

書名 文章辨體五十卷 天順八年刊本
撰者 明 吳訥 輯
卷 卷十四
內容分類 集 總集 詩文
索書號 集部 總集 47
編號 D7914800

卷十四



彩色首頁1

東洋文化研究所漢籍目錄 編號: D7914800
東洋文化研究所漢籍目錄所藏漢籍善本全文影像資料庫 索書號: 集部 總集 47
漢籍善本全文影像資料庫文本 文章辨體五十卷 天順八年刊本
版權所有: 東京大學 東洋文化研究所
使用上的注意事項

文章辨體卷之一

古歌謠辭

康衢謠

列子堯治天下五十年不知天下治歟不治歟億
兆戴已歟不願戴已歟乃微服遊康衢聞兒童謠云
我烝民莫匪爾極不識不知順帝之則

擊壤歌

逸士傳堯時有八九十老人擊壤而歌壤以木為
之長三四寸先側一壤于地遙以手中壤擊中者
為上


而作日入而息鑿井而飲耕田而食帝力於我何有哉
南風詩

海虞後學吳訥編集



東方文化學院東京研究所
No. 2043 c





海虞後學吳訥編

歌行

悲歌

古辭

悲歌可以當泣遠望可以當歸思念故鄉鬱鬱壘壘欲歸家無人欲渡河無船心思不能言腸中車輪轉

行路難

南宋鮑明遠

奉君金巵之美酒璚瑁玉匣之彫琴七綵芙蓉之羽帳九華蒲萄之錦衾紅顏零落歲將暮春光宛轉昔欲沉願君裁悲且減思聽我抵節行路吟不見栢梁銅雀上寧聞古昔清吹音

濕水置平地各自東西南北流人生亦有命安得行嘆復坐愁酌酒以自寬舉杯斷絕歌路難心非木石豈無感吞聲躑躅不敢言坐藥染黃絲歷亂不可治我昔與君始相值爾時自謂可



君意結帶與我言死生好惡不相置今日見我顏色衰意中索
寞與先異還君金釵瑋瑁簪不忍見之益愁思

諸君莫歎貧富貴不由人丈夫四十疆而仕余當二十弱冠辰
莫言草木萎大雪會應蘇息遇陽春對酒叙長篇窮途運命委
皇天但願樽中九醞滿莫惜床頭百箇錢直須優游卒一歲何
勞辛苦事百年

沐浴子

唐李太白

沐芳莫彈冠浴蘭莫振衣處世忌太潔志人貴藏輝滄滄有釣
叟吾與爾同歸

秋夜長

王子安

秋夜長殊未央月明白露澄清光層城綺閣遙相望遙相望川
無梁北風受節南鴈翔崇蘭委質時菊芳鳴環曳履出長廊
君秋夜擣衣裳織羅對鳳凰丹綺雙鴛鴦調砧杵思自傷征

夫萬里戍他鄉鶴唳音信斷龍門道路長所在天一方寒衣徒
自香

鬪鷄篇

魏曹子建

遊目極妙伎清聽厭厭官商主人寂無爲衆賓進樂方長筵坐戲
客鬪鷄觀閒房群雄正翕赫雙翹自飛揚揮羽邀清風悍目發
朱光觜落輕毛散豈敢距往往傷長鳴入青雲扇翼獨翱翔願蒙
狸膏助常得擅此埴勿

種葛篇

此篇與七步詩同意

種葛南山下葛蔓日以成陰與君初婚時結髮恩義深歡愛在枕
席宿昔同衣衾竊昔忝棠棣篇好樂如琴琴行年將晚暮佳人懷
異心恩紀曠不接我情遂抑沉出門當何顧徘徊步北林下有
交頸獸仰見雙栖禽兩攀枝長歎息淚下沾羅襟良馬知我悲延

頸代我吟昔為同池魚今為商與參往古皆歡遇我獨困於今
棄置委天命悠悠文可任

明河篇

唐宋延清

八月涼風天氣曩尚里無雲河漢明昏見南樓清且淺曉落西
山縱復橫洛陽城日中天中起長河夜夜千門裏複道連苑共蔽
虧盡堂瓊戶特相忘且雲母帳前初沉濫水精簾外轉逶迤倬彼
昭回如練白復出古水城接南陌南北征人去不歸誰家今夜擣
寒衣鴛鴦機上踈必重度烏鵲橋邊一鴈飛鴈飛螢度愁難歇坐
見明河漸微沒已能舒卷任浮雲不惜光輝讓流月明河可望
不可親願得乘槎一問津更將織女支機石還訪成都賣卜人

文豹篇贈黃介夫

宋梅聖俞

壯哉南山豹不畏已額虎澤霧毛雖雜鼯鼠朝捋其鬚夜飲乳
文章子雲久已許豈逐笑丈夫費五殺天子仗中儀物舉尾與旌

常願看取

君道篇

洪武陶中立

龍飛應景運居中攬乾綱百川宗巨海衆星避太陽股肱者誰
伊與傅爪牙者誰叔與虎玉筍班中列衆賢金馬門中登碩輔
梧桐生鳳凰鳴四海為一家於穆

皇風清修禮樂正綱紀

明后復無為詒謀千萬禩

步虛詞詞類

北周庾子山

樂府解題曰步虛詞道家曲也備言衆仙縹緲輕
舉之美

渾成空教立元始正塗開赤玉靈文下朱陵真氣來中天九龍
館倒景八風臺雲度絃歌響星移空殿迴青衣上少室童子向
蓬萊逍遙聞四會悠悠度三災

道生乃太一守靜即玄根中和練九氣甲子謝三元居心受善
水教學重香園危留報關吏鶴去畫城門更以欣無迹還來寄絕言

同前

唐吳真節

衆仙仰靈範肅駕朝神宗金景相照耀透迤昇太空七玄已高
飛火鍊生朱宮餘慶逮天壤平和王道融入威清遊氣十絕舞
祥風使我躋陽源其來自陰功逍遙太霞上真鑿靡不通
二氣播萬有化機無停輪而我操其端乃能出陶鈞寥寥天漢
上所遇皆清真澄瑩含元和氣同自相親絳樹結丹實紫霞流
碧津以茲保童嬰永用超形神

又

宋朱晦菴

扉景廓天津空同無圓方丹神儻七氣孕秀東淳房食吐碧琳
華仰翕飛霞漿竦轡絕冥外眇日撫大荒策我綠軒駟上際於
滄浪神鈞亦寥朗菴靄晨風翔養翮塵波裏縱神非有亡一樂

無終永千椿詎能嘗

褰裳大度外竦轡霄上游軒觀隨雲起偃駕東淳丘丹黃曜瓊
岡三素粲曾幽躡景遺塵波偶想即虛柔眇目娛貞際不喜亦
不憂宴觀三椿期顛徊翳滄流千載何足道大空自然疇

讌客詞

唐張文昌

上客不用顧金羈主人有酒君莫違請君看取園中花地上漸
多枝上稀山頭樹綠不見石谿水無風應更碧人人齊醉起舞
時誰覺翻衣與倒幘明朝花盡人已去此地獨來空遶樹

牧童詞

遠牧牛繞村四面禾黍稠陂中饑鳥啄牛背令我不得戲隴頭
入陂草多牛散行白犢時向蘆中鳴隔堤吹葉應同伴還發長
鞭空四聲牛羊食草莫相觸官家截爾頭上角

采菱詞

儲光義

濁水菱葉肥，清水菱葉鮮。義不游濁水，志士多苦言。潮沒具區藪，潦深雲夢田。朝隨北風去，暮逐南風旋。浦口多漁家，相與邀我船。飯稻以終日，美蓴將永年。方冬水物窮，又欲休山樊。盡室相隨從，所貴無憂患。

精衛詞

王仲初

精衛誰教爾，填海海邊石。子青磊磊，但得海水作枯池。海中魚龍何所為，上穿豈為空銜石。山中草木無全枝，朝在樹頭暮海裏。飛多羽折時墮水，高出未盡海未平。我身雖死子還生。

牛宮詞

洪武高季迪

吳地下濕冬寒，牛即入欄。唐人謂之牛宮。豕豢于苙，鷄棲于埭。嗟爾烏犍，何所止斯。歲聿云暮，雨霜以風。乃築環堵，以為爾宮。既用爾力，宜恤爾寒。庇處密固，我心孔安。

張節婦詞

誰言妾有夫，中路棄妾身。先殞誰言妾，無子何生。夫死妾在，兒讀書妾，碎繡空房。夜夜聞啼鳥，兒能成名妾不嫁。良人瞑目黃泉下。

采茶詞

雷過溪山碧，雲暖幽叢半。吐槍旗短，鍬女兒相應。歌篋中摘得誰，取多歸來清香猶在手。高品先將呈太守，竹爐新焙未得嘗。籠盛販與湖南商，山家不解種禾黍。衣食年年在春雨。

當牆欲高行

魏曹子建

龍欲升天，須浮雲人之仕進。待中人衆口可以鑠金，讒言一至慈母不親。憤憤俗間不辨偽真，願欲披心自說。陳君門九重遠，遠河無津。

當事君行

人生有所貴，尚出門各異情。朱紫更相奪，色雅鄭鼎。音聲好惡

隨所愛憎追舉逐虛名百心可事一君巧許寧拙訥

鳴鴈行

南末鮑明遠

雖雖鳴鴈鳴正且齊行命侶入雲漢中夜相失群離亂留連徘徊不忍散憔悴容儀君不知辛苦霜雪亦何為

司前

唐韓退之

嗷嗷鳴鴈鳴且飛窮秋南去春北歸去寒就暖識所依天長地濶悽息稀風霜酸苦稻梁微羽毛摧落身不肥徘徊反顧群侶遠哀鳴欲下淵渚非江南水濶朝雲多草長沙軟無網羅閑飛靜集鳴相和違憂懷惠性匪他凌風一舉君謂何

悲哉行

晉陸士衡

遊客芳春林春芳傷客心和風飛清響其薄陰蕙草饒淑氣時鳥多好音翩翩鳴鴈孤雁寄命於音幽蘭盈通谷長莠被南今女蘿亦有託蔓草亦有辜傷哉客遊士憂思一何深自感

隨氣草且悲詠時會寤寐多遠念納然若飛沉願託歸風響年言遺所欽

齊謳行

纂要曰齊歌曰謳

營丘負海曲沃野爽且平洪川控河濟崇山入高冥東被姑尤側南界聊攝城海物錯萬類陸產尚千名孟諸吞楚夢百二倅秦京惟師恢東表相后定周傾天道有迭代人道無久盈鄙哉牛山歡未及至人情爽鳩苟已徂吾子安得停行行將復去長存非所營

吳趨行

崔豹古今注曰吳趨行吳人以歌其地趨步也

楚妃且勿歎齊娥且莫謳四至並清聽聽我歌吳趨吳趨自有始請從閭門起閭門何嵯峨飛閣跨通波重樂承遊極廻軒啓

曲阿藹藹慶雲被冷冷鮮風過山畢多藏育土風清且嘉泰伯
導仁風仲雍揚其波穆穆延陵子灼灼光諸華王迹頽陽九帝
功興四遐大皇自富春矯首頓世羅邦彥應運興粲若春林葩
屬城咸有士吳邑最爲多八族未足侈四姓實名家文德熙淳懿
武功侔山河禮讓何濟濟流化自滂沱淑美難窮紀商權爲此歌

會吟行

南宋謝靈運

崔豹古今注曰會謂會稽也

六引緩清唱三調行繁音列筵皆靜寂咸共聆會吟會吟自有
初請從文命敷敷績壺冀始刊木至江汜列宿炳天文負海橫
地里連峰競千仞背流各百里漉地旣粳稻輕雲暖松杞兩京
愧佳麗三都豈能似層臺指中天高墉積崇雉飛燕躍廣途鷗
首虧清泚肆王窈窕容路羅嬈娟子自來彌世代賢達不可紀
句踐善際心叟識行出江湖梅福入東方就旅

逸梁鴻去桑梓牽綴書

離殫意未已

春日行

鮑明遠

獻歲發春吾將行春山茂春日明園中鳥多嘉聲梅始發柳始
青汎舟鱸齊棹驚奏採菱歌鹿鳴風微起波微生弦亦發酒亦
傾入蓮池折桂枝芳抽動芬葉披兩相思兩不知

少年行

唐李太白

青雲年少子挾彈章臺左鞍馬四邊開突如流星過金丸落飛
鳥夜入瓊樓卧夷齊是何人獨守西山餓

古柏行

杜子美

孔明廟前有老柏柯如青銅根如石霜皮溜雨四十圍黛色參
天二千尺君臣已與時際會樹木猶爲人愛惜雲來氣接巫峽
長月出寒通雪山白憶昨路繞錦亭東先主武侯同閔宮崔嵬
枝幹郊原古窈窕丹青戶牖空落落盤踞雖得地真真孤高多

烈風扶持自是神明力正直元因造化功大厦如傾要梁棟萬
牛迴首丘山重不露文章世已驚未辭翦伐誰能送苦心豈免
容螻蟻香葉曾經宿鸞鳳志士幽人莫怨嗟古來才大難爲用

高都護驄馬行

安西都護胡青驄聲價欵然來向東此馬臨陣必無敵與人一
心成大功功成惠養隨所致飄飄遠自流沙至好未受伏櫪
恩孤氣猶用戰場利晚促叩踏鐵交河幾蹴曾冰裂五花
散作雲滿身萬里方看汗血安壯兒不敢騎走過掣電傾
城知青絲絡頭爲君老何由却出橫門道

漢陂行

岑參兄弟皆好奇携我遠來遊漢陂天地黯慘忽異色波濤萬
頃推琉璃琉璃漫汗泛舟入尋殊興極憂思焦龜作鱗吞不復
知惡風白浪何堪及主人錦帆相爲開舟子喜甚無氛埃鳧鷖

散亂棹謳發絲管啁啾空翠來沈竿續蔓深莫測菱葉荷花淨
如扶苑在中流渤澥清下歸無極終南里半陂已南純浸山動
影裊窅冲融間船舷溟戛雲際寺水匝月出藍田關此時驪龍
亦吐珠馮夷擊鼓群龍趨湘妃漢女出歌舞金支翠旌光有無
咫尺但愁雷雨至滄茫不曉神靈意少壯幾時奈老何何來哀
樂何其多

驗馬行

鄧公馬癖人共知初得花驄大宛種夙昔傳聞思一見牽來左
右神皆竦雄姿逸態何嶮崒顧影驕嘶自矜寵兩目清熒夾鏡
懸肉鬣礮礮連錢動朝來少試華軒下未覺千金滿高價亦只
似甘白雪毛銀鞞却覆香羅幃卿家舊物公能取天旣眞龍此
其亞書洗滌騰涇渭深夕趨可刷幽并夜五匹良驥老始成此
馬數年人更驚豈有四蹄疾於鳥不與八駿俱先鳴時俗造

那得致雲霧晦冥方降精近聞下詔噓都邑肯使麒麟地上行
白絲行

縹絲須長不須白越羅蜀錦金粟尺象牀玉手亂殷紅萬草千
花動窈碧已悲素質隨時染裂下鳴機色相射美人細意熨帖
平裁縫滅盡針線跡春天衣着爲君舞蛺蝶飛來黃鸝語落絮
遊絲亦有情隨風照日宜輕舉香汗清塵汗顏色開新合故置
何許君不見才士汲引難恐懼棄指忍羈旅

縛鷄行

小奴縛鷄向市賣鷄被縛急相喧爭家中厭鷄食蟲蝗不知鷄
賣還遭烹蟲鷄於人何厚薄吾叱奴人解其縛鷄蟲得失無了
時注目寒江倚山閣

短歌行贈王郎司直

王郎酒酣拔劍斫地歌莫哀我能拔爾抑塞磊落之奇才豫樟
之木欲向何門跋珠履宣樓頭春已深青眼高歌望五子眼
中之人吾老矣

入奏行贈西山檢察竇侍御

竇侍御驥之子鳳之雛年未三十忠義俱骨鯁絕代無媿如一
段青冰出萬壑置在迎風寒露之王壺蔗漿歸厨金盃凍洗滌
煩熱足以寧君軀政用踈通合典則戚聯豪貴耽文儒兵革未
息人未蘇天子亦念西南隅吐蕃憑陵氣頗麤竇氏檢察應時
須運糧繩橋壯士喜斬木火井窮猿呼八州刺史思一戰三城
守邊却可圖此行入奏計未小密奉聖旨恩應殊繡衣春當霄
漢立綵服日向庭闈趨省郎京尹必俯拾江花未落還成都江
花未落還成都肯訪浣花老翁無爲君酤酒滿眼酤與奴白飯
馬青芻

洗兵馬行

中興諸將收山東捷書夜報清晝同河廣傳聞一葦過胡危命
在破竹中祇殘鄴城不日得獨任朔方無限功京師皆騎汗血
馬回紇餒肉蒲萄宮已喜皇威青海岱常思仙仗過崆峒三年
笛裏關山月萬國兵前草木風成王功大心轉小郭相謀深古
來少司徒清鑒懸明鏡尚書氣與秋天杳二三豪俊爲時出整
頓乾坤濟時了東走無復憶鱸魚南飛覺有安巢鳥青春復隨
冠冕入紫禁正耐烟花繞鶴駕通霄鳳輦備鷄鳴問寢龍樓曉
攀龍附鳳勢莫當天 下盡化爲侯王汝等豈知蒙帝力時來不
得誇身強關中旣留蕭丞相幕下復用張子房張公一生江海
客身長九尺鬚眉蒼徵起適遇風雲會扶顛始知籌策良青袍
白馬更何有後漢今周喜再昌寸地尺天皆入貢奇祥異瑞爭
來送不知何國致白環復道諸山得銀甕隱士休歌紫芝曲詞

人解撰河清頌田家望望惜雨乾布穀處處催春種淇上健兒
歸莫嬾城南思婦愁多夢久得壯士挽天河洗洗甲兵長不用
觀公孫大娘弟子舞劒器行

昔有佳人公孫氏一舞劒氣動四方觀者如山色沮喪天地爲
之乂低昂燿如羿射九日落矯如群帝驂龍翔來如雷霆收震
怒罷如江海凝清光絳脣珠袖兩寂寞晚有弟子傳芬芳臨穎
美人在白帝妙舞此曲神揚揚與余問荅旣有以感時撫事增
惋傷先帝侍女八千人公孫劒器初第一五十年間似反掌風
塵瀕洞昏王室梨園弟子散如煙女樂餘姿映寒日金粟堆南
木已拱瞿唐石城草蕭瑟玳筵急管曲復終樂極哀來月東出
老夫不知其所往足繭荒山轉愁疾

桃源行

漁舟逐水愛山春兩岸桃花夾去津坐看紅樹不知遠行盡青

王摩詰

溪不見人山口潛行始隈隩山開曠望旋平陸遙看一處攢雲
樹近入千家散花竹樵客初傳漢姓名居人未改秦衣服居人
共注武陵源還從物外起田園月明松下房櫳靜日出雲中鷄
犬喧驚聞俗客爭來集競引還家問鄉邑平明閭巷掃花開薄
暮漁樵乘水入初因避地去人間更聞成仙遂不還峽裏誰知
有人事世中遙望空雲山不疑靈境難聞見塵心未盡思鄉縣
出洞無論隔山水辭家終擬長游衍自謂經過夜不迷安知峰
壑今來變當時只記入山深青谿幾度到雲林春來徧是柳花
水不辯仙源何處尋

嗟哉董生行

韓退之

淮水出桐栢山東馳遙遙千里不能休淝水出其側不能千里
百里入淮流壽州屬縣有安豐唐貞元時縣人董生召南隱居
行義於其中刺史不能薦天子不聞名聲爵祿不及門門外惟

有吏日來徵租更索錢嗟哉董生朝出耕夜歸讀古人書盡日
不得息或山而樵或水而漁入廚具甘旨上堂問起居父母不
感感妻子不咨咨嗟哉董生孝且慈人不識惟有天翁知生祥
下瑞無休期家有狗乳出求食雞來哺其兒啄啄庭中拾蟲蟻
哺之不食鳴聲悲傍徨躑躅久不去以翼來覆待狗歸嗟哉董
生誰將與儔時之人夫妻相虐兄弟爲讐食君之祿而令父母
愁亦獨何心嗟哉董生無與儔

桃源行

宋王介甫

望夷宮中鹿爲馬秦人半死長城下避世不獨商山翁亦有桃
源種桃者一來種桃不記春采花食實枝爲薪兒孫生長與世
隔知有父子無君臣漁郎放舟迷遠近花間忽見驚相問世上
空知古有秦山中豈料今爲晉聞道長安吹戰塵東風回首亦
沾巾重華一去寧復得天下紛紛經幾春

三鳳行贈海東之下第南歸

元虞伯生

海東之兄弟三人如鳳凰胸臆羽翮皆文章九年三入天門翔
伯冲天季驚人一日四海皆知名東之之文五色雲見者眩晃
生眇昏三進三已之了若耳不聞二人得之喜未足云東之不
慍乃可尊束書江上歸見親君子之樂樂最真君不見匡廬之
山嶒崢而嵯峨左界平豫章諸川會爲蠡鄱其陰千源浩浩導
岷經潛沱山氣束鬱不得去上衝爲紫蓋直與天相摩爲雲覆
八極爲雨漲九河海東之子能觀山以成德其進蓋未易量也
偶爾小詘柰爾何

偃松行

洪武高季迪

在天平山西舊文正書院前

龍門西岡魏公祠祠前有松多古枝長身蜿蜒橫數畝巨石作
沈相撐撐春泥半封朽死骨凍鮮盡裂皴生皮無心昂聳上霄

漢偃仰獨向荒山睡蟄雷破岳撼不動千載一夢醒何遲政如
卧龍未起日深意有待風雲期太湖月出照夜魄天峰雪積埋
寒姿濤聲時吼若歛息野老驚起山僧疑左伸右屈多異態天
自出巧非人爲畫師安能把筆寫樵子豈敢持斤窺杜陵枯枿
已憔悴蜀相老柏非瑰竒何如此樹性且壽呵衛定想煩靈祇
不知已閱幾人代游客過盡今存誰明堂屢興不見取得全正
愛同支離我嘗來觀忍遽反醉坐其上高吟詩葛陂筇竹亦騰
化神物終去可久羈何當一叱使飛起載我萬里游天池他年
還訪舊城郭正是白鶴歸來時

韋諷錄事宅觀曹將軍畫馬圖引

引類

唐杜子美

國初以來畫鞍馬神妙獨數江都王將軍得名三十載人間又
見真乘黃曾親先帝照夜白龍池十日飛霹靂內府殷紅馬腦
盤婕妤傳詔才人索盤賜將軍拜舞歸輕紈細綺相追飛貴戚

權門得筆跡始覺屏障生光輝昔日太宗拳毛騮近時郭家師
子花今之新圖有二馬復令識者歎嗟此皆騎戰一敵萬縉
素漠漠開風沙其餘七疋亦殊絕迥若寒空動烟雪霜蹄蹴踏
長楸間馬官廝養森成列可憐九馬爭神駿顧視清高氣深隱
借問苦心愛者誰後有韋諷前支遁憶昔巡幸營新豐翠華拂
天來向東騰驤磊落三萬疋皆與此圖筋骨同自從獻寶朝河
宗無復射蛟江水中君不見金粟堆前松柏裏龍媒去盡嗚呼風

丹青引贈曹將軍霸

將軍魏武之子孫於今爲庶爲清門英雄割據雖已矣文采風
流今尚存學書初學衛夫人但恨無過王右軍丹青不知老將
至富貴於我如浮雲開元之中常引見承恩數上南薰殿凌煙
功臣少顏色將軍下筆開生面良相頭上進賢冠猛將腰間大
羽箭褒公鄂公毛髮動英姿颯爽來酣戰先帝天馬玉花驄畫

工如山貌不同是日牽來赤墀下迥立閭闔生長風詔謂將軍
拂絹素意匠慘淡經營中斯須九重真龍出一洗萬古凡馬空
玉花却在御榻上榻上庭前屹相向至尊含笑催賜金圍人太
僕皆惆悵弟子韓幹早入室亦能畫馬窮殊相幹惟畫肉不畫
骨忍使驂駟氣凋喪將軍盡善蓋有神必逢佳士亦寫真即今
漂泊干戈際屢貌尋常行路人途窮返遭俗眼白世上未有如
公貧但看古來盛名下終日坎壈纏其身

桃竹杖引贈章留後

江心蟠石生桃竹蒼波噴浸尺度足斬根削皮如紫玉江妃火
仙借不得梓潼使君開一束滿堂賓客皆歎息憐我老病贈兩
莖出入瓜甲鏗有聲老夫復欲東南征乘濤鼓枻白帝城路幽
必爲鬼神奪杖劍或與蛟龍爭重爲告曰杖兮杖兮爾之生也
甚正直慎勿見水踊躍學變化爲龍使我不得爾之扶持滅跡

於君山湖上之青峯噫風塵傾洞兮豺虎咬人忽失雙杖兮
將曷從

感古引 有序

元于介翁

孔明梁父吟深不滿於齊相嗚呼天若祚漢孔明
不死天下事未可知吾於此重不滿焉

建安天下如潰瓜一榻之外非吾家黃屋飄飄定何許龍爲魚
兮鼠爲虎老瞞詐力敢欺天朶頤羊鼎方垂涎紫髯將軍一攘
臂控荆引越三千里慷慨山東大耳兒南飛烏鵲樓無枝草廬
一語君臣契日中久矣無吳魏堂堂大義凜不磨靈關劔閣爭
嵯峨昨夜西南一星落六尺之孤竟誰托渭水旌旗歸故都江
上空存八陣圖抱膝長歌出師表古栢蒼蒼爲誰老

望僊引

洪武宋景道

橫塘風斷愁紅淺舊燕銜春香滿滿鶴馭遙空不可攀

張香奩懶暖簾不到茱萸帳寶露空溥五雲盤風前白鬢幾人
悲萬里青蘋一時晚銅僊含淚辭青瑣渺渺空嗟西日短弱川
無力不勝航騎龍難到白雲鄉玉棺琢成已三載欲葬神仙歸
北印

四時吟 吟類

晉陶淵明

春水滿四澤夏雲多奇峰秋月揚明輝冬嶺秀孤松

遊子吟

唐孟東野

慈母手中線遊子身上衣臨行密密縫意恐遲遲歸誰言寸草
心報得三春暉

金陵城西樓月下吟

李太白

金陵夜寂涼風發獨上高樓望吳越白雲映水搖秋城白露垂
珠滴秋月月下長吟久不歸古今相接眼中稀解道澄江靜如
練令人却憶謝玄暉

百舌吟

劉禹錫

曉星寥落春雲低初聞百舌間關啼花枝滿空迷處所拉動繁
英墜紅雨笙簧百轉音韻多黃鸝吞聲燕無語東方朝日遲遲
升迎風弄景如自驚數聲不盡又飛去何許相逢綠楊路綿蠻
宛轉似娛人一心百舌何紛紛醜顏俠少停歌聽墮珥妖姬和
睡聞可憐光景何時盡誰能低徊避鷹隼廷尉張羅自不關潘
郎挾彈無情損天生羽族爾何微舌端萬變乘春暉南方朱鳥
一朝見索寞無言高下飛

清夜吟

宋邵康節

月到天心處風來水石時一般清意味料得少人知

織女吟贈黃進賢

洪武劉子高

憶昔束髮初嬌倚雲錦機折花事戲劇笑詫身上衣一從十五
時學向機中織絲短愁苦長梭緩心轉急永夜蘭燈懸洞房門

前梧葉零秋霜霜寒手凍絲緒亂絡緯悲啼金井牀春花更疊
黃金縷花底青鸞蹴烟霧東風何日上天來擬奉瑤池宴歌舞
十日滿匹恒苦遲一夕停梭生網絲持刀沉吟剪秋水粉泪欲
落愁風吹遠懷素心人邈在千里道何由托交歡持此永相保
東隣小姬昔同年至今盛飾為母憐幾回月高鳴杼軸正是他
家夜彈曲

寄遠曲

曲類

唐王仲初

美人別來無處所巫山月明湘江雨千回想見不分明井底看
星夢中語兩心相對尚難知何況萬里不相疑

憶長安曲

岑參

東望望長安正值日初出長安不可見但見長安日長安何處
在只在馬蹄下明日歸長安為君急走馬

聽鸞曲

韋應物

東方欲曙花冥冥啼鴛相喚亦可聽乍去年來時近遠纔聞南
陌又東城忽自上林翻下苑綿綿蠻蠻如有情欲轉不轉意自
嬌羞兒弄笛曲未調前聲後聲不相及秦女學箏指猶澁須臾
風暖朝日暎流音變作百鳥喧誰家嬾婦驚殘夢何處愁人憶
故園伯勞飛過聲跼促戴勝下時桑田綠不及流鶯日日啼花
間能使萬家春意闌有時斷續聽不了飛去花枝猶裊裊還棲
碧樹鏤千門春滿方殘一聲曉

鴨鴛曲

宋歐陽永叔

龍樓鳳閣鬱崢嶸深宮不聞更漏聲紅紗蠟燭愁夜短綠窓鴨
鴛催天明一聲兩聲人漸起金井轆轤聞汲水三聲四聲促嚴
粧紅靴玉帶奉君王萬年枝軟風露濕上下枝間聲轉急南衙
促仗三衛列九門放鑰千官入重城禁籞瑣池臺此鳥飛從何
處來君不見潁河東岸村陂濶山禽野鳥常嘲啞田家惟聽夏

鷄聲夜夜增頭耕曉月可憐此樂獨吾知春戀君恩今白髮

採桑曲

洪武宋仲珩

桑芽露春微似粟小姑把蠶試新浴素翎頻掃細於蟻嫩葉織
織初上指朝採桑暮採桑採桑不得盈頃筐差將辛苦向姑語
妾命自知桑葉比家中蠶早未成眠大姑已賣新絲錢岸上何
人紫花馬卻欲拋金桑樹下

天馬歌

唐李太白

天馬來出月氏窟日月為虎文龍翼骨嘶青雲振綠髮蘭筋權
奇走城沒騰崑崙歷西極四足無一蹶鷄鳴刷燕脯秣越神行
雷邁躡恍惚天馬呼非龍趨日明長庚臆雙鳧尾如流星首渴
烏口噴紅光汗溝珠曾陪時龍躡天衢羈金絡月照皇都逸氣
稜稜凌九區白璧如山誰敢沽回頭笑紫燕但覺爾輩愚天馬
奔戀君軒駉躍驚矯浮雲翻萬里足躑躅遙瞻闔闔門不逢寒

風子誰採逸景孫白雲在青天白陵遠崔嵬鹽車上峻坂倒行
逆施畏日晚伯樂翦拂中道遺少盡其力老棄之灑逢田子方
惻然爲我悲雖有玉山禾不能療苦饑嚴霜五月凋桂枝伏櫪
銜冤摧兩眉請君贖獻穆天子猶堪弄影舞瑤池

侍從宜春苑奉詔賦龍池柳色聽新鶯百轉歌

東風已綠瀛洲草紫殿紅樓覺春好池南柳色半青青紫烟曩
娜拂綺城垂絲百尺挂雕楹上有好鳥相和鳴聞關早得春風
情春風卷入碧雲去千門萬戶皆春聲是時君王在鎬京五雲
垂暉耀紫清仗出金宮隨日轉天回玉輦繞花行始向蓬萊看
舞鶴還過滌石聽新鶯新鶯飛繞上林苑願入簾韶雜鳳笙

元丹丘歌

元丹丘愛神仙朝飲潁川之清流暮還嵩岑之紫烟三十六峯
長周旋長周旋躡星虹身騎飛龍耳生風橫河跨海與天通我

外爾遊心無窮

峨眉山人月歌送蜀僧晏入中京

我在巴東三峽時西看明月憶峨眉月出峨眉照滄海與人萬
里長相隨黃鶴樓前月華白此中忽見峨眉客峨眉山人月還送
君風吹西到長安陌長安大道橫九天峨眉山人月還送秦川黃金
獅子乘高座白玉麈尾談重玄我以浮雲寄吳越遂逢聖主遊
丹闕一振高名滿帝都歸時還弄峨眉月

飲中八仙歌

知章騎馬似乘船眼花落井水底眠三三三三三三三三三三三三
車口流涎恨不移封向酒泉左相日興華髮不長鯨吸百
川銜杯樂聖稱世賢宗之蕭灑美少年與君同遊青
玉樹臨風前蘇晉長齋綉佛前醉中往往三三三三三三三三三三三三
百篇長安市上酒家眠天子呼來不上船自言臣是酒中仙張

旭三杯草聖傳脫帽露頂王公前
旭三杯草聖傳脫帽露頂王公前
惟願長生保赤子
莫使青烟白髮生
五斗方卓然
高談雄辯驚四筵

奉先劉少府新畫山水障歌

堂上不合生楓樹
性底江山起煙靄
畫師亦無數
好手不可得
君不見
昔年大令亦縣圖
乘興遺畫滄州趣
畫師亦無數好手不可得
君不見昔年大令亦縣圖
乘興遺畫滄州趣
豈但祁岳與鄭虔
筆跡遠過楊契丹
行筆如刀
刻裂無乃瀟湘翻
悄然坐我天姥下
耳邊已似聞清猿
夜風雨急乃是蒲城鬼神入
江氣淋漓障猶濕
真宰上訴天
應泣野亭春還雜花遠
漁翁暝踏孤舟立
滄浪水深青溟闊
欹岸側島秋毫末不見
湘妃鼓瑟時至今
班竹臨江沽劉侯
天機精愛畫入骨髓自有兩兒郎
揮灑亦莫比大兒聰明到能添老樹
巔崖裏小兒心孔開
貌得山僧及童子
若耶溪雲門寺吾獨胡爲在泥滓
青鞋布襪從此始

天育驃騎歌

吾聞天子之馬走千里
今之畫圖無乃是
是何意態雄且傑
駿尾蕭梢朔風起
毛爲綠縹兩耳黃
眼有紫焰雙瞳方
矜矯龍性合變化
卓立天骨森開張
伊昔八僕張景順
考牧攻駒閱清峻
遂令大奴字天育
別養驃子
神俊當時四十萬匹馬
張公歎其材
盡下故獨寫真傳
世人見之座右久
更新年多物化空形影
嗚呼健步無由騁
如今豈無驥裏與驂騮
時無王良伯樂死即休

題壁上韋偃畫馬歌

韋侯別我有所適
知我憐君畫無敵
戲拈秃筆掃驂騮
歛見麒麟出東壁
一匹齧草一匹嘶
坐看千里當霜蹄
時危安得真致此
與人同生亦同死

戲題王宰畫山水圖歌

十日盡一水五日盡一石然事不受相迫王宰始肯留真跡
壯哉崑崙方壺圖柱君高主之素壁巴陵洞庭日本東赤岸水
與銀河通中有雲氣隨飛龍舟人漁子入浦淑山木盡亞洪濤
風尤工遠勢古莫比咫尺應須論萬里焉得并州快剪刀剪取
吳松半江水

戲韋偃爲雙松圖歌

天下幾人盡古松畢宏已老韋偃少絕筆長風起纖末滿堂動
色嗟神妙兩株慘裂苔蘚皮屈鐵交錯迴高枝白摧朽骨龍虎
死黑入太陰雷雨垂松根胡僧憇寂寞龐眉皓首無住若偏袒
右肩露雙脚葉裏松子僧前落韋侯韋侯數相見我有一疋好
東絹重之不減錦繡段已令拂拭光凌亂請公放筆爲直幹

徐卿二子歌

不見徐卿二子生絕竒感應吉夢相追隨孔子釋氏親抱送
並是天上麒麟兒大兒九齡色清澈秋水爲補玉爲骨小兒五
歲氣食牛滿堂賓客皆回頭吾知徐公百不憂積善衮衮生公
侯丈夫生兒有如此二雛者名位豈肯卑微休

茅屋爲秋風所破歌

八月秋高風怒號卷我屋上三重茅茅飛度江灑江郊高者挂
罾長林梢下者飄轉沉塘坳南村群童欺我老無力忍能對面
爲盜賊公然抱茅入竹去唇焦口燥呼不得歸來倚杖自歎息
俄頃風定雲墨色秋天漠漠向昏黑布衾多年冷似鐵嬌兒惡
卧踏裏裂床床屋漏無乾處雨脚如麻未斷絕自經喪亂少睡
眠長夜沾濕何由徹安得廣厦千萬間大庇天下寒士俱歡顏
風雨不動安如山嗚呼何時眼前突兀見此屋吾廬獨破受凍
死亦足

李潮八分小篆歌

蒼頡鳥跡既茫昧字體變化如浮雲陳倉石鼓久以訛大小二
篆生八分秦有李斯漢蔡邕中間作者寂不聞嶧山之碑野火
焚棗木傳刻肥失真苦縣光和尚骨立書貴瘦硬方通神惜哉
李蔡不復得吾甥李潮下筆親尚書韓擇木騎曹蔡有隣開元
以來數八分潮也奄有二子成三人况潮小篆逼秦相快劍長
戟森相向八分一字直百金蛟龍盤拳肉屈強吳郡張顛誇草
書草書非古空雄壯豈知吾甥不流宕丞相中郎丈人行已東
逢李潮逾月求我歌我今衰老才力薄潮乎潮乎柰汝何

乾元中寓居同谷縣作歌七首

有客有客字子美白頭亂髮垂過耳歲拾橡栗隨徂公天寒日
暮山谷裏中原無書歸不得手脚凍皴皮肉死嗚呼一歌兮歌
已哀悲風爲我從天來
長鏡長鏡白木柄我生託予以爲命黃精無苗山雪盛短衣

擬不掩脛此時

始於世里爲我魚悵悵

有第有第在遠方三人各瘦何人強生別展轉不相見胡塵暗
天道路長東飛駕鵝後鵝鷓安得送我至汝傍嗚呼二歌兮歌
三發汝歸何處收兄骨

有妹有妹在鍾離良人早歿諸孤瘵長淮浪高蛟龍怒十年不
見來何時扁舟欲往箭滿眼杳杳南國多旌旗嗚呼四歌兮歌
四奏 林猿爲我啼清晝

四山多風溪水急寒風颯颯枯樹濕黃蒿古城雲不開白狐跳
梁黃孤立我生胡爲在窮谷中夜起坐萬感集嗚呼五歌兮歌
正長魂招不來歸故鄉

南有龍兮在山湫古木龍枝相樛木葉黃落龍正蟄蝮虺東
來水上遊我行恠此安敢出拔劍欲斬且復休嗚呼六歌兮歌

思遲溪壑爲我迴春姿

男兒生不成名身已老三年飢走荒山道長安卿相多少年富
貴應須致身早山中儒生舊相識但話宿昔傷懷抱嗚呼七歌
兮情終曲仰視皇天白日速

古劍歌

郭元振

君不見昆吾鐵冶飛炎烟紅光紫氣俱赫然良工鍛鍊凡幾年
鑄得寶劍名龍泉龍泉顏色如霜雪良工嗟咨歎竒絕瑠璃王
匣吐蓮花錯鏤金環生明月正逢天下無風塵幸得用防君子
身精光黯黯青蛇色文章片片綠龜鱗非直結交遊俠子亦曾
親近英雄人何言中路遭弃捐零落飄淪古獄邊雖復沉埋無
所用猶能夜夜氣衝天

愛敬寺古藤歌

李頎

古藤池水盤樹根左攫右拏龍虎蹲橫空直上相凌突丰茸雜
纏若無骨風雷霹靂連黑枝人言其下藏妖魘空庭落葉乍開
合十月苦寒常倒垂憶昨花飛滿空殿密葉吹香飯僧徧南階
雙桐一百尺相與年年老霜霰

韋員外家花樹歌

岑參

今年花似去年好去年人到今年老始知人老不如花可惜落
花君莫掃君家兄弟不可當列卿御史尚書郎朝回花底恒會
客花撲玉缸春酒香

衛節度赤驃馬歌

君家赤驃畫不得一團旋風桃花色紅纓紫鞵珊瑚鞭玉鞍錦
韉黃金勒請君鞞出看君騎尾長窳地如紅絲自矜諸馬皆不
及却憶白金初買時香街紫陌鳳城內滿城見者誰不愛揚鞭
驟急白汗流弄影行驕碧蹄碎紫髯胡雛金剪刀平明剪出三
驥高檉上看時獨意氣衆中牽出偏雄豪騎將獵向南山口城

南狐兔不復有草頭一點疾如飛卻使蒼鷹翻向後憶昨看君
朝未央鳴珂擁蓋滿路香始知邊將真富貴可憐人馬相輝
男兒稱意得如此駮馬長鳴北風起待君東去掃胡塵爲君一
日行千里

石鼓歌

韓退之

張生手持石鼓文勸我試作石鼓歌少陵無人謫仙死才薄將
柰石鼓何周綱陵遲四海沸宣王憤起揮天戈大開明堂受朝
賀諸侯劔珮鳴相磨蒐于岐陽騁雄俊萬里禽獸皆遮羅鉤功
勒成告萬世鑿石作鼓隳嗟峨從臣才藝咸第一揀選撰刻留
山阿雨淋日炙野火燒鬼物守護煩撓訶公從何處得紙本毫
髮盡備無差訛詞嚴義密讀難曉字體不類隸與蝌年深豈免
有缺畫快劔斫斷生蛟鼉鸞翔鳳翥衆仙下珊瑚碧樹交枝柯
金繩鐵索鎖紐壯古鼎躍水龍騰梭匣儒編詩不收入二雅編

迫無委蛇孔子西行不到秦擗星宿遺羲娥矧予好古
晚對此涕淚雙滂沱憶昔初蒙博士徵其年始敗禮元和故人
從軍在右輔爲我量度掘臼科濯冠沐浴告祭酒如此至寶存
豈多旣包席裹可立致十鼓祗載數駱駝薦諸太廟比部典光
價豈止百陪過聖恩若許留太學諸生講解得切蹉觀經 郡
尚填咽坐見舉國來奔波剝苔剔蘚露節角安置妥帖平不頗
大厦深簷與蓋覆經歷久遠期無他中朝大官老於事詎肯感
激徒媿阿牧童敲火牛礪角誰復著手爲摩挲日消月鑠就埋
沒六年西顧空吟哦羲之俗書趁姿媚數紙尚可博白鵝繼周
八代爭戰罷無人收拾理則那方今太平日無事柄任儒術崇
丘軻安能以此尚論列願借辨口如懸河石鼓之歌止於此嗚
呼吾意其蹉跎

茶歌

盧仝

口高丈 毗正旅軍將扣門驚周公口傳議送書信白箱
封三道印開緘宛見諫議面首閱月團三百片聞道新年入
裏靴蟲驚動春風起天子須嘗陽羨茶百草不敢先開花仁風
暗結珠蔕蕾先春抽出黃金芽摘鮮焙芳旋封裹至精至好且
不奢至尊之餘合王公何事便到山人家柴門反關無俗客
帽籠頭自煎喫碧雲引風吹不斷白花浮光凝碗面一椀喉吻
潤二椀破孤悶三椀搜枯腸惟有文字五千卷四椀發輕汗平
生不平事盡向毛孔散五椀肌骨清六椀通仙靈七椀喫不得
也惟覺兩腋習習清風生蓬萊山在何處玉川子乘此清風欲
歸去山上群仙司下土地位清高隔風雨安得知百萬億蒼生
命墮顛崖受辛苦便從諫議問蒼生到頭合得蘇否

唐七德舞歌

白樂天

七德舞七德歌傳自武德至元和元和白居易觀舞賦

知樂意曲終稽首嘆其事太宗十八舉義兵百旌黃鉞定西
擒充戮竇四海清二十有四功業成二十有九即帝位三十有
五致太平功成理定何神速速在推心致人腹下卒遺骸散帛
收饑人賣子分金贖魏徵夢見天子泣張謹哀聞辰日哭怨女
三千放出宮死囚四百來歸獄剪鬚燒藥賜功臣李勣嗚咽思
殺身含血吮瘡撫戰士思摩奮呼乞效死則知不獨善戰善乘
時以心感人人心歸爾來一百九十載天下至今歌舞之歌七
德舞七德聖人有作垂無極豈徒耀神武豈徒誇聖文太宗意
在陳王業王業艱難示子孫

廬山高歌贈同年劉中允歸南康

宋歐陽永叔

廬山高哉幾千仞兮根盤幾百里截然屹立乎長江
長江西來走其下是為揚瀾左里兮洪濤巨浪日夕相
撞雲消風止鏡靜泊舟登岸而遠望兮上摩青蒼因
晻霏下壓后土之鴻

試往造平 其間兮攀緣石磴窺空澗千巖萬壑響松檜懸崖
石飛流淙水聲聒聒亂人語六月飛雪灑石砭仙公釋子亦
往而逢兮吾嘗惡其學幻而言呢但見丹崖翠壁遠近映樓閣
晨鍾暮鼓杳靄羅幃幢幽花野草不知其名兮風吹露濕香潤
谷時有白鶴飛來雙幽尋遠去不可極便欲絕世遺紛厖羨吾
買田築室老其下插秧盈疇兮釀酒盈缸欲令浮嵐暖翠千萬
狀坐卧常對乎軒窓君懷磊珞有至寶世俗不辨珉與珎策名
爲吏二十載青山白首困一邦寵榮聲利不可以苟屈兮自非
青雲白石有深趣其氣兀砭何由降丈夫壯節似君少嗟我欲
說安得巨筆如長杠

牧牛兒歌

張文潛

牧牛兒遠陂牧遠陂牧牛芳草綠兒怒掉鞭牛不觸澗邊柳古
南風清麥深蔽日田野平烏犍礪角逐草行老特固唯飢不

犢兒跳梁沒草去隔林應母時一聲老翁念兒自携餉出門先
上岡頭望日斜風雨濕簑衣拍手唱歌尋伴歸遠村放牧風日
薄近村牧牛泥水惡珠璣燕趙兒不知兒生但知牛背樂

六歌

文宋瑞

宋瑞名天祥宋狀元右丞相國亡盡節而死

有妻有妻出糟糠自少結髮不下堂亂離中道逢虎狼鳳飛翻
翻失其凰將雛一一去何方豈料國破家亦亡不忍捨君羅襦
裳天長地遠終茫茫牛女夜夜遙相望嗚呼一歌兮歌正長悲
風北來起傍得

有妹有妹家流離良人去後携諸兒北風吹沙塞草萋窮猿慘
淡將安歸去年哭母南海湄三男一女同歔歔惟汝不在割我
肌汝家零落母不知母知豈有瞑目時嗚呼再歌兮歌孔悲
鴿在窟我何爲

有女有女婉清揚大者學帖臨鍾王小者讀字聲琅琅朔風吹
衣白日黃一雙白璧委道傍鴈兒啄啄秋無梁隨母北狩誰人
將嗚呼三歌兮歌愈傷非爲兒女淚琳琅

有子有子風骨殊釋氏抱送徐卿雛四月八日摩尼珠榴花岸
錢絡繹襦蘭湯百沸香如酥歛隨飛電飄泥途汝兄十三騎鯨
魚汝今三歲知在無嗚呼四歌兮歌以吁燈前老我明月孤
有妾有妾今何如大者手將玉蟾蜍次者親抱汗血駒晨妝靚
服臨西湖英英鴈落飄瓊瑤風花飛墜鳥嗚呼金莖沉瀝浮汚
渠天摧地裂龍鳳殂美人塵土何代無嗚呼五歌兮歌鬱紆爲
爾迎風立斯須

我生我生何不辰孤根不識桃李春天寒日短重愁人北風隨
我鐵馬塵初冷骨肉鍾竒禍而今骨肉相怜我汝在北兮嬰我
懷我死誰當收我骸人生百年何酬好黃梁得或俱草草嗚呼

六歌兮勿復道出所一笑天地老

釣臺歌

元范德機

吾慕嚴子陵隱居富春山故人乘六龍身隨魚鳥間羊裘大澤
雪在頃忽來導從入皇都掉頭不受諫大夫高風逸節何代無
慎勿滄浪輕釣徒

仇工部古松歌

傅與礪

蒼松在山自竒古灌木翳之人不驚忽然圖向堂上壁蒲座歎
息長風生交柯崛走森晝晦其下將疑鬼神會霧雨寒霏虎豹
毛雷霆怒折蛟龍背乃知巨筆老且神力幹造化雄千鈞皇天
不夭棟梁具后土潛回霜雪春爾松已爲人愛惜見爾爲爾生
顏色山中豈無材木倚絕壁未逢匠石嗟何益

鶴媒歌

洪武高季迪

鶴媒獨步荒陂水仰望雲間不飛起遠呼過鳥下南汀鼓翼相

迎似相喜共為羽族生水鄉暫從飲啄無猜防草盾俄開中潛
弩弋師謹咲媒矜舞嗟爾高潔非九禽胡為徇食移此心受人
馴養忘遠舉好陷同類機腸深嗚呼世間幾人號君子得利相
傾亦如此

篋篋謠 謹類

唐李太白

攀天莫登龍走山莫騎虎貴賤結交心不移惟有嚴陵及光武
周公稱大聖管蔡寧相容漢謠一斗粟不與淮南春兄弟尚路
人吾心安所從他人方寸間山海幾千重輕言託朋友對面九
疑峰多花必早落桃李不如松管鮑久已死何人繼其蹤

長淮謠

宋馬子才

長淮之水青如苔行人但覺心眼開湘江豈無水魚腹忠魂埋
但見愁雲結雨猿聲哀浙江豈無水鷓鴣漂胥骸但見潮頭怒
氣如山來孤臣詞客到江上何以寬心懷長淮之水遠楚流先

生家住淮上頭黃金萬斛浴明月碧玉一片含清秋酒花入酒
歌一聲淮上百物無閑愁

秋雨歎 歎類

杜子美

雨中百草秋爛死階下決明顏色鮮著葉滿枝翠羽蓋開花無
數黃金錢涼風蕭蕭吹汝急恐汝後時難獨立堂上書生空白
頭歸風三嗅馨香泣

關風伏雨秋紛紛四海八荒同一雲去馬來牛不復辨濁涇清
渭何當分禾頭生耳黍穗黑農夫田父無消息城中斗米換衾
裯相許寧論兩相直

長安布衣誰比數反鎖衡門守環堵老夫不出長蓬蒿稚子無
憂走風雨雨聲颼颼催早寒胡鴈翅濕高飛難秋來未曾見白
日泥汚后土何時乾

歎庭前甘菊花

庭前甘菊移時晚青葉重陽不堪摘明日蕭條盡醉醒殘花爛
熳開何益籬邊野外多衆芳采擷細瑣升中堂念茲空長大枝
葉結根失所纏風霜

柵樹爲風雨所拔歎

倚江柵樹草堂前故老相傳二百年誅茅卜居揔爲此五月髣
髴聞寒蟬東南飄風動地至江翻石走流雲氣幹排雷雨猶力
爭根斷泉源豈天意滄波老樹性所愛浦上童童一青蓋野客
頻留懼雪霜行人不過聽竿籟虎倒龍顛委榛棘淚痕血點垂
曾臆我有新詩何處吟草堂自此無顏色

秋夜歎

宋朱晦庵

秋風浙瀝鳴清商秋草未死啼寒蟬幽人幽人起晤歎仰視河
漢天中央河漢西流去不息人生辛苦何終極蒼山萬疊雲氣
深去鍊形魂生羽翼

古釵歎

元吳維申

何年美人寶釵失深井沉泥汚珠璣一朝拾得再揩磨三四五
回看嘆息雙鸞匹鳳兩股勻終然汚色難爲新當時光瑩照頭
上有似桃李搖青春今人不識古儀狀寶釵雖好非時樣爲君
掃罷擁髻悲物無貴賤皆隨時

湘弦怨 怨類

唐孟東野

昧者理芳草蒿蘭同一鋤狂飈怒秋林曲直同一枯嘉木忌深
蠹哲人悲巧詛靈均入迴流勒尚爲良謨我願分衆泉清濁各
異渠我願分衆巢鳥鸞相遠居此志諒難保此情竟何如湘弦
少知意孤響空踟躕

吳宮怨

衛萬

君不見吳王宮闕臨江起不卷珠簾見江水曉氣晴來雙闕間
潮聲夜落千門裏勾踐城中非舊春姑蘇臺下起黃塵祗今唯

有西江月曾照吳王宮裏人

失釵怨

王仲初

貧女銅釵惜於玉失卻來來三日哭嫁時女伴與作粧頭戴此
釵如鳳凰雙杯行酒六親喜我家新婦
拜堂鏡中乍無失髻
樣初起猶疑在床上高樓翠鈿飄舞塵明日從頭一遍新

商婦怨

元陳子上

嫁夫嫁商賈重利不重恩三年南海去寄信無回言妾身為婦
人不敢出閨門縫衣待君返請君看淚痕

金井怨

洪武高季迪

照水羞見影汲水嫌手冷閑立梧桐陰鳥啼秋夜永

松楸怨

徐天逸

菽水歡娛淺松楸感慨長西家白頭嫗門外倚斜陽

文章辨體卷之十四





